



序



池陽建州治自唐武德始其彬彬於風雅之林則自
 元和始唐詩人在江東惟池州特盛其詩凡十有六
 七家而張承吉孟須中費子軍顧垂象杜彥之諸公
 皆逸才盛名雄冠當世代降風移經籍湮散集錄多
 不傳鑿既蒐采諸詩撰寫 卷文賦附焉又於裨
 官野說中拾其軼事系於篇不加是非辯論以補唐
 史闕失名曰池上詩人而列其篇什之目錄於左方
 崇禎癸未冬大雪日貴池劉廷鑾譜

詩人姓字爵里

貴池十一人

武 瓘

咸通進士官益陽令

盧嗣立

咸通進士一云會昌進士

夏 鴻

進士

張 喬

咸通中京兆府解試第一大順元年

顧 雲

字垂象咸通中登進士第任至虞部員外郎

康 駢

字駕言乾符進士官校書郎

殷文圭

小字桂郎以進士及第為襄樞宣諭判官後仕楊行密終左千牛衛將軍

湯 悅

保大十三年舉進士第一人官考功

伍 喬

郎國除易姓歸

伍 珪

進士

朱 元

池陽戟門門子

青陽五人

王季文

字宗素進士官秘書郎終隱

張 祐

一作祐字承吉南陽鄉人屢膺諸侯

孟 遲

字遲之或曰字須中又曰須仲又曰

尉敬昕奏為軍巡判官開成二年裴度召至京師疾卒

費冠卿 字子軍 元和二年進士 以母病馳歸 終喪 堅隱 殿院 李行修 舉其孝節 詔

拜右拾遺 終不應

李昭象 字化文 池州刺史 方玄之子 家於九 華 遂為池陽人 楊行密 招之不從

石埭一人

杜荀鶴 字彥之 大順元年進士 及第 第一人 官至翰林學士 知制誥

建德一人

周繇 字為憲 咸通進士 任河南尉 秩滿 調 池州建德令 官至御史中丞

高僧一人

金地藏 世傳名喬 覺新羅國王子

詩

五言古

張祐 五首

七言歌行

王季文 一首

孟遲 一首

費冠卿 一首

顧雲 五首

張喬 一首

五言律

張祜 一百四十八首

王季文 一首

費冠卿 一首

張喬 一百六首

周繇 十首

杜荀鶴 一百二十八首

李昭象 二首

七言律

張祜 十二首

費冠卿 二首

夏鴻 一首

盧嗣立 一首

孟遲 一首

武瓘 一首

杜荀鶴 一百四十首

張喬 十一首

顧雲 一首

李昭象 四首

殷文圭 二十三首

伍喬 十六首

周繇 五首

金地藏 二首

湯悅 一首

六言律

康駢 一首

五言排律

張祐 六首

費冠卿 一首

張喬 三首

周繇 二首

杜荀鶴 二首

殷文圭 一首

七言排律

杜荀鶴 一首

殷文圭 一首

五言絕句

張祜 三十二首

孟遲 四首

張喬 四首

武瓘 二首

杜荀鶴 四首

七言絕句

張祜 一百十五首

費冠卿 四首

孟遲 十一首

張喬 三十二首

周繇 六首

杜荀鶴 四十九首

顧雲 一首

李昭象 二首

殷文圭 四首

伍唐珪 一首

朱元 一首

賦

周
繇一首

序

顧
雲三首

康
駢一首

記

費
冠卿一首

啟

顧
雲十二首

判

張
喬一首

誄

顧
雲一首

詩目

五言古

西江行

湓州寺路

游天台

感懷

挂樹藤

七言歌行

晚途中作

夜雨

枕流石

張

祐

費冠卿

王季文

九華山謠

孟 遲

發蕙風館遇陰不見九華山有作

費冠卿

以拾遺召不起賦詩

顧 雲

天威逕行

華清詞

池陽醉歌

苔歌

觀韓幹馬障歌

張 喬

楊花落

五言律

張 祐

送王正夫

送常正貫

贈貞固上人

贈志凝上人

溪行寄京城故人

送瓊貞發述懷

送魏尚書赴鎮州

洞庭南館

贈仲儀上人

登廣武原

訪許用晦

哭陸大夫

晚夏歸別業

公子行

江西道中 三首

題常州水西館

題李瀆山居玉潭

題陸壩金沙洞居

題陸敦禮山居

旅次石頭岸

觀于使君家樂 十首

夕次桐廬

入潼關

南宮歎

題平望驛

隋宮懷古

蘇求至話別

秋霽

詠史 二首

會僧贈拄杖

塞下

憶雲陽宅

題造微禪師院

酬武蘊之

題萬道人禪房

病較訪山客

題松汀驛

處士隱居

早春錢塘湖晚

濠州水館

石頭城寺

傷遷客歿南中

烏夜啼

題餘杭縣龍泉觀

題濠州鍾離寺

題大覺禪師影堂

秋夜宿靈隱寺

蘇州靈巖寺

蘇州楞伽寺

蘇州思益寺

重居寺

善權寺

南靈隱靜寺

丘山寺

道光上人山院

贈廬山僧

惠山寺

虎丘寺

普賢寺

虎丘東寺

虎丘西寺

招隱寺

寒下曲

宿淮陰水館

題小松

梅溪館寄龐舍

感河上兵

贈淮南將

題會昌上人

塞上曲

晚秋江上作

中秋月

題曾氏園林

貴池道中

將之衡陽道中

題真娘墓

題蘇小小墓

賦昭君塚

江南作

溪行寄故人道侶

送楊秀才遊蜀

送楊秀才往夔州

送魯黯遊夔州

送李長史歸涪州

送韋整尉長沙

送沈下賢尉南康

憲宗皇帝挽歌辭

讀始興公傳

讀狄梁公傳

贈許玳赴桂州命

送盧弘本浙東觀省

送外甥

途中逢李道實

陪范宣城夜讌

樂靜

寄盧載

寄朔州徐員外

贈薛鼎臣待御

酬鄭模司直見寄

奉和令狐相公

旅次上饒溪

送蘇紹之歸嶺南

喜王子載話舊

寄遷客

寄徐彥夫南遷

秋日病中

贈契衡上人

贈僧雲栖

毀浮屠年逢東林僧

寄靈澈上人

吳宮曲

上饒亭

樟亭

程氏書堂

江城晚眺

晚次荆溪館

洞庭南館

海鹽南館

潤州金山寺

潤州甘露寺

杭州孤山寺

題贈仲儀上人院

丹陽永泰寺練湖亭

題僧壁

題聖女廟

觀獵

觀徐州李司空獵

題山水障子

題王右丞山水
二首

觀田大夫打球

鸚鵡

再吟鸚鵡

洞房燕

鷺鷥

詠風

發蜀客

王季文

青出藍

費冠卿

秋日寺莊觀稼

張喬

華山

郢州即事

青鳥泉

送友人入蜀

書邊事

贈邊將

送龍門令劉滄

送龐百篇之任青陽

劉補闕拜官

送賓貢金夷吾

秘省伴直

聽琴

宿昭應

送鄭谷赴汝州辟命

送鄭侍御赴汴州

寄處士梁燭

送許棠

江行至沙浦

長安書事

北山書事

岳陽即事

浮汴東歸

送友人歸江南

送友人歸宜春

弔建州李員外

弔造道上人

送許棠遊蜀

送許棠及第歸宣州

贈清越上人

聞仰山禪師住曹溪

送僧雅覺

弔栖白上人

滕王閣

經隱巖舊居

題鄭侍御別業

游華山雲際寺

題靈山寺

題興善寺

雨中宿僧院

游終南白鶴觀

送棋待詔歸新羅

和薛監察題古松

曲江春

春原春望

荆楚道中

送人歸江南

送睦州張參軍

游南岳

山中冬夜

藍溪夜坐

秋夕

終南山

陪鄭少師夜坐

江上逢許棠

贈仰山禪師

贈初上人

贈碁僧侶

送龍羅僧

送僧鸞歸蜀寧親

尋桃源

書梅福殿壁 二首

題古觀

寄顏頊先生

送陸處士

送韓處士

題簡山人

贈別李山人

題山僧院

游歙州興唐寺

題詮律師院

金山寺空上人院

廣信寺

少華山甘露寺

甘露寺僧房

題友人林齋

宿江叟島居

尋陽村舍

江邨

蟬

寄南中友人

寄績溪陳明府

送南陵尉李頻

送沈先輩尉昭應

送友人尉湖南

送前輩讀三傳

江上送友人南游

送友人游蜀

送友人北游

送友人及第

送海東朴克

送友人歸宣州

江南別友人

商山道中

江行

吳江旅次

東歸有感

送金夷魚

經宣城元員外山居

經費徵君故居

江樓作

題賈島吟詩臺

回鑿閣寫望

題友人草堂

塞下曲

贈友人

再題敬亭清越山人山房

送友人往江南

將歸江淮書

泝漢東歸

送蜀客

塞上

思宜春寄友人

江南逢洛下友人

東湖贈僧子蘭

李道士歸南岳

延福里秋懷

題玄哲禪師影堂

登慈恩寺塔

送友人東歸

將離江上作

別李參軍

題湖上友人居

弔賈員外

題小松

無題

送河西從事

周 繇

題東林寺虎跑泉

望海

螢

登甘露寺

甘露寺東軒

甘露寺北軒

送邊上從事

送洛陽崔員外

送友人尉黔中

送宇文虞

杜荀鶴

春宮怨

訪道者不遇

送人遊吳

送陳臚歸麻州

出山

浙中逢詩友

送友遊吳越

出常山界使回有寄

經廢宅

登天台寺

途中春

歷陽道中却寄舍弟

贈歐陽明府

贈臨上人

題戰島僧居

別衡州牧

送人遊江南

遊苑山

讀友人詩卷

寄從叔

寄李溥

郊居即事投李給事

寄詩友

題田家翁

長安冬日

霽後登唐興寺水閣

山中寄友人

自述

題江山寺

旅舍卧病呈所知

秋宿山館

贈老僧

別舍弟

雪中別詩友

題嶽麓寺

懷廬嶽書堂

題興唐寺小松

與友人話別

贈廬嶽隱者

懷紫閣隱者

題會上人院

送黃補闕南遷

送賓貢登第歸

近試投所知

送友人牧江州

辭座主侍郎

別從叔

送人南遊

經賈島墓

秋夜晚泊

送舍弟

將歸山逢友人

經九華費徵君墓

溪居叟

與友人對酒吟

送僧

送九華道士

寄舍弟

下第投所知

寄顧雲

贈宣城麋明府

望遠

投長沙裴侍御

贈秋浦金府長

和高秘書對雪

亂後山中作

旅寓書事

舟行晚泊江上寺

聞賊退寄孟明府

泗上客思

寄同人

下第出關投鄭拾遺

塞上

別敬侍御

送青陽李明府

將遊湘湖有作

送姚庭珪

投李大夫

貽里中同志

江上逢韋象先輩

維陽逢詩友張喬

秋晨有感

秋日寄李處士

晚泊金陵水亭

錢塘別羅隱

山中貽同志

秋日懷九華舊居

江戶秋思

哭劉德仁

經青山弔李翰林

下第東歸別人

宿詩僧雲英房因贈

送人宰吳縣

讀友人詩

登山寺

辭九江李郎中入關

江南逢李先輩

秋日寄吟友

江上與從弟話別

送友人遊南海

贈聶尊師

旅感

寄益陽武瓘明府

湘中秋日呈所知

苦吟

閩中別所知

塞上傷戰士

春日訪獨孤處士

哭友人 二首

送吳蛻下第入蜀

亂後歸山

題箸禪師

春日閒居即事

秋宿棲賢寺懷友人

亂後再逢汪處士

山中喜與故交宿話

觀棋

送人宰德清

寄竇處士

題歷山舜廟

贈李蒙叟

寄幕中二從事

新栽竹

送紫陽僧歸舊寺

辭座主侍郎

送友人歸湘中

鍾山道林寺

李昭象

赴舉出山

喜杜荀鶴及第

七言律

張祜

和杜牧之登齊山

感王將軍柘枝妓歿

題干越亭

愛妾換馬

哭京兆龐尹

寄獻蕭相公

揚州法雲寺雙檜

觀杭州柘枝

周員外席上

觀楊瑗柘枝

病宮人

和杜使君見寄

費冠卿

酬范中丞見惠

閑居即事

夏鴻

贈和龍妙空禪師

盧嗣立

望九華山

寄浙右幕中

孟遲

衛使君筵上作

武瓘

贈秋浦張明府

杜荀鶴

雪

遇郡中叛亂示同志

山中寄詩友

秋宿臨江驛

題瓦棺寺矮檜

江上初秋寓泊

投從叔補闕

贈張員外兒

重陽日有作

入關寄九華友人

送李鐔遊新安

冬末自長沙遊桂嶺

送周繇少府

賀顧雲侍御

舟行即事

亂後山居

山居寄同志

將入關安陸遇寇

登友人書堂

寄臨海姚中丞

秋日閒居寄先達

題覺禪和

感秋

題德玄上人院

春日山居寄友人

懷廬嶽舊隱

投長沙裴侍郎

和友人見題山居

獻長沙王侍郎

春日登樓遇雨

行次錢塘

投江上崔尚書

書事投所知

秋日湖外書事

題宗上人舊院

亂後出山逢高員外

贈友人罷舉

山中寡婦

訪蔡融因題

閒居書事

友人贈舍弟戲和

贈元上人

亂後逢村叟

下第東歸道中作

留題張山人林亭

傷病馬

館舍秋夕

送僧赴黃山

哭山友

獻鄭從事

獻池州牧

送帝書記歸京

贈休禪和

送李先輩從軍

和友人送弟

酬張員外見寄

獻新安于尚書

亂後書事寄同志

臨上人院觀牡丹

投宣諭張侍郎

下第投所知

哭方干

秋日泊浦江

白髮吟

寄池上鄭員外

塞上

贈題兜率寺

別四明鍾尚書

題護國大師塔

春日山中對雪

山中對雪

戲題王處士書堂

早發

題仇處士郊居

次張曙先輩

亂後逢李昭象

寄同年張曙

李昭象云見訪有寄

同友人泛瀟湘

旅中卧病

贈李鐔

江西歸九華

辭鄭員外入關

長安春感

登水閣貽釣者

贈溧水崔少府

讀張僕射詩

題所居村舍

獻羅著作判官

遣懷

長安道中有作

題開元寺門閣

出關投孫侍御

送項山人歸天台

題衡陽隱士山居

題江寺禪和

題弟姪書堂

寄長林孟明府

戲贈漁家

登城有作

寄池州李常侍

辭楊侍郎

題汪氏茅亭

喜從弟雪中遠至

送僧歸國清寺

題汪明府山居

下第東歸

宿東林寺

山居自遣

贈友人赴辟命

亂後旅中遇友人

贈休糧僧

再遇孫侍郎

亂後宿南陵廢寺

投鄭先輩

途中有作

和舍弟題書堂

送蜀客游維揚

旅寓

途中春

寄幕中二從事

書堂即事

雋陽語道中

入關因別舍弟

贈彭蠡釣者

送友人入關

送友人宰潯陽

秋日卧病

叙吟

行次滎陽却寄諸弟

登石壁禪師水閣

贈祖肩和尚

閒居即事

自叙

空閑二公逸以禪律相鄙因而解之

寄温州朱尚書并呈軍倅崔太博

恩門致書遠及寄温州崔博士

張喬

七松亭

河中鸛雀樓

歸舊山

望巫山

贈進士顧雲

城南寓居寄知己

贈友人

書邊事

謝公亭懷古

贈頭陀僧

送何道士歸山

顧雲

新柳

李昭象

山中寄崔諫議

寄獻山中顧員外

顧雲在淮南以學仙詞寄之

題顧正字谿居

殷文圭

江南秋日

王仙道中

經李翰林墓

觀賀皇太子冊命

寄廣南劉僕射

邊將別

覽陸龜蒙舊集

行朝早春侍師門

省試夜投獻座主

初秋留別越中幕客

看紅白牡丹

題友人庭竹

鸚鵡

賀同年劉先輩

題陸龜蒙山堂

題丘光庭博士幽居

八月十五夜玩月

送道者朝見後歸山

九華賀雨

贈池州張太守

次韻九華杜先輩重陽寄投宛陵丞相

寄池陽太守

寄賀杜荀鶴及第

伍喬

同何秀才谿上

宿潛山

送江少府

聞杜牧赴闕

謝何明府見訪

寄落星史虛白處士

僻居酬友人

冬日送人

送何秀才毗陵

旅夜寄山中故人

送祝秀才還鄉

喜崔三博遠至

遊西禪

遊西山龍泉禪院

僻居秋思寄故友

寄翰林學士張洎

周繇

白石潭秋霽作

送楊環校書歸廣南

送入蕃使

經故宅有感

題金陵栖霞寺

金地藏

送童子下山

酬吳用之送米

六言律

康駢

廣謫仙怨詞

五言排律

張祐

題杭州天竺寺

題杭州靈隱寺

高閑上人

投杭州從兄中丞

送王昌涉侍御

題師一上人十韻

費冠卿

荅蕭建

張喬

月中桂

華山

興善寺貝多樹

周繇

廣陽公宴成式速罷馳騁坐觀花豔或有眼飽之嘲因賦此詩

送江州薛尚書

杜荀鶴

送海禪和尚歸山

御溝柳

殷文圭

省試春草碧色

七言排律

杜荀鶴

和友人見題山居水閣八韻

殷文圭

和友人送衡尚書赴池陽副車

五言絕句

張祜

題浩然宅

宮詞二首

思歸樂

書憤

首陽竹

題僧影堂

昭君怨二首

夕次竟陵

信州水亭

蘇小歌三首

樹中草

七里瀨漁家

讀曲歌五首

玉樹後庭花

莫愁樂

襄陽樂

自君之出矣

夢江南

留獻徐員外

題盧明府新樓

贈禪師

江南逢故人

松江懷古

白鼻騮

題嘉祥驛

徐波渡

壯士吟

懷鄭洎

孟遲

張喬

對月

夜漁

對月

送友人及第歸海東

漁家

武瓘

勸酒

感事

感寓

春閨怨

杜荀鶴

馬上行

釣叟

七言絕句

張祜

題秀師影堂

題弋陽館

旅泊呈杜員外

送溫飛卿赴方城

九華山

題李修源

瓜州聞曉角

連昌宮

感春申君

元日仗

千秋樂

大酺樂二首

正月十五夜燈

熟戲樂

上巳樂

卯王小管

李謨笛

孟才人歎

退宮人二首

玉環琵琶

折楊柳枝二首

胡渭州

即席贈王侍中

與杜牧同座索骰子

春鶯轉

寧歌來

鄴中懷古

讀杜員外杜秋詩

開元寺牡丹花

招徐宗偃画松石

贈元道處士

平陰夏日作

題酸棗驛前碑

題朱邱曹山房

容兒頭

邠娘羯鼓

耍娘歌

恃奴兒舞

酬惟信上人

題靈徹上人舊房

潼關西門作

贈內人

聽李上人吹蘆管

華清宮四首

洛中作

送走馬使

贈竇家小兒

聽崔莒侍御葉家歌

題畫僧

長門怨

讀老莊

偶題

題御溝

別玉華仙居

汴上送客歸

題郵亭殘花

秋曉送鄭侍御

宿武牢關

宿湓浦逢崔昇

京城寓懷

感歸

偶作

題青龍寺

丁巳仲冬月江上作

勸飲酒

疏黃

集靈臺二首

阿鵬湯

馬嵬歸

馬嵬坡

太真香囊子

散花樓

雨霖鈴

聽劉端公田家歌

題田大夫邱家箏

耿家歌

王家琵琶

董家笛

王家五絃

李家柘枝

楚州韋中丞登篋

邊上逢歌者

聽薛陽陶吹蘆管

聽僧吹蘆管

聽徐員外彈琴

塞上聞笛

經舊遊

東山寺

題潤州鶴林寺

題勝上人山房

題金陵渡

過陰陵山

過汾水關

鈎弋夫人詞

李夫人詞

縱遊淮南

櫻桃

鴻溝

題峯頂寺

悲鍊納

登樂遊原

過石頭城

酬靈符秀才惠枕

黃蜀葵花

楊花

薔薇花

戲顏郎中獵

崔峒

費冠卿

題中峯

蒙召拜拾遺二首

青陽城隍廟謝雨

孟遲

過驪山

廣陵城

長信宮

吳故宮

蘭昌宮

烏江

蓮塘

宮人斜

新安故關

還淮却寄睢陽

閑情

張喬

寄清越上人

長門怨

宴邊將

促織

河湟舊卒

潭上作

題堂山僧舍

笛

長安贈猿

漁者

宿潺湲亭

臺城

寄山僧二首

遊邊感懷二首

寄薦福寺棲白大師

越中贈別

春日遊曲江

猿

題上元許棠所任王昌齡廳

自詠

贈河南詩友

寄維揚故人

孤雲

詠棋子贈奕僧

谷口作

寄弟

春日有懷

宿洛都門

鷺絲障子

九華樓

周繇

看牡丹贈段成式

以人參遺成式

和成式不赴夜宴

和段成式

津頭望白水

公子行

杜荀鶴

寄李隱居

讀諸家詩

再經胡城縣

春來燕

朱明府出二子

哭陳陶

哭貝韜

蠶婦

山中老僧

閨中秋思

八駿圖

贈僧

秋夕

谿興

過巢湖

傷硤石縣病叟

贈老僧

釣叟

谿岸秋思

春日旅寓

田翁

秋江雨夜逢詩友

感春

題花木障

顧雲出二子請詩

秋夕病

寄常山張書記

湘江秋夕

旅懷

贈崔道士

題道林寺

贈質上人

涇谿

夏日題悟空上人院

經嚴陵釣臺

關試後筵上別同人

鷓鴣

宿村舍

題新鴈

離家

旅舍遇雨

送人歸淝上

自遣

聞子規

秋夜苦吟

秋夜聞砧

經馬當山廟三絕

小松

醉書僧壁

顧雲

詠柳

李昭象

寄尉遲侍御

招西洞道者

贈池州張守

殷文圭

樓上看九華三首

伍唐珪

寒食日獻郡守

朱元

道左獻池陽刺史孫愿

賦目

周繇

顧夢舞鍾馗賦

序目

顧雲

唐風集序

題嵩山舊隱詩序

與京邑游好詩序

康駢

劇談錄序

記目

費冠卿

九華山化成寺記

啓目

顧雲

代青州掌記謝本府辟啓

謝徐學士啓

代謝鹽鑄使啓

投刑部趙郎中啓

上翰林劉侍郎啓

上路相公啓

上翰林劉學士啓

謝徐學士存問啓

上戶部裴郎中啓

上戶部鄭員外啓

上殿院韋侍御啓

上陸侍御啓

判目

張喬

燕弓矢舞判

誄目

張童子誄

顧雲

池上詩人本末雜錄

武瓘

武瓘貴池人官益陽令鑿按杜彥之寄益陽武瓘明

府詩有曰縣稱詩人理無嫌日寂寥溪山入城郭

戶口半漁樵月滿彈琴夜花香灑酒朝

咸通唐懿宗年號

唐詩紀事曰瓘登咸通進士第唐末宰益陽

瓘有感事絕句詩初投卷於知舉蕭傲見詩賞其有

存故之志遂放及第

盧嗣立

盧嗣立，貴池人。登咸通十三年進士。嗣立，江左之傑。既與選，僉以科目得人，故吏部侍郎高元裕以詩與知貢舉陳商，有中丞爲國拔賢才，寒俊欣逢藻鑑開之句。池州舊志。

夏鴻

唐詩紀事曰鴻登開成進士第

開成唐文
宗年號

池州人物棲隱志曰宋夏乾錫貴池人樊知古師也

伯父鵬與鴻撰十三代史略一門行誼文章名冠

當時

皇甫繼勳曾為池州刺史亦有和龍妙空禪師詩蓋

繼夏而作者也和龍山在秋浦隔岸妙空禪師志

亦未之載也詩云白面山南靈慶院茅齋道者雪

峯禪只棲雲樹兩三畝不下烟蘿四五年猿鳥認

聲呼喚易龍神降伏任持堅誰知今日秋江畔獨
步醫王闡法筵唐詩紀事誤以皇甫爲王

僧史云貴池和龍山嘉祐院唐妙空禪師訥道場也

嗣法雪峰卯一齋江南李王三詔不起刺史王繼
勳有詩鑿按夏鴻登開成進士第開成距南唐李
氏凡一百二十餘年鴻子乾錫爲樊知古師知古
仕宋而乾錫不出乾錫老矣唐詩紀事以夏詩與
皇甫詩並列似乎鴻與勳同時人也其實相去遠
甚不可不辨夫唐詩之不可考者豈獨此哉但開
成進士之說亦無別考

張喬

張喬，貴池人，寓居長安延興門，與弟霞俱有文名。咸通中，試月中桂詩，京兆府解試首薦。昭宗大順元年，登進士第。黃巢亂，喬曰：尚可以行道乎？遂與伍喬、棲老、九華有集二卷。池州舊志

張喬，池州人，有詩名。咸通中，與許崇、俞坦之、劇燕、任濤、吳宰、張蟻、周繇、鄭谷、李棲遠、溫憲、李昌符謂之十哲。

唐書藝文志，張喬詩集二卷。

宋史藝文志張喬詩一卷

文獻通考曰張喬詩一卷陳氏曰唐進士九華張喬

撰與許棠張蠩鄭谷俞坦之等同時號十哲喬試

京兆月中桂詩擅場傳於今而登科記無名蓋不

中第也

國史經籍志張喬詩二卷

李建州京兆解試時濤與許棠張喬俞坦之劇燕吳

宰張蠩周繇鄭谷李棲遠温憲李昌符謂之十哲

是年試俱以次得之是歲咸通末也

張喬與俞坦之受知許下薛尚書能許棠首薦能以

詩唁二子曰使事盡參差惜哉吾子詩日令銷此

道天亦負明時有路當重振無門那不知何當見

堯日相與啜澆漓

康駢曰自大中咸通之後每歲試春官者千餘人其

間章句有聞疊疊不絕如何植李致皇甫松李孺

犀梁望毛濤貝麻來鵠賈隨以文章著美温庭筠

鄭績何涓周鈴宋耘沈駕周繁以詞賦標名賈島

平曾李陶劉得仁俞坦之張喬劇燕許琳陳覺以

大中宣宗
年號咸通
懿宗年號
宣宗太子
嗣位

律詩流傳張維皇甫川郭鄴劉延暉以古風擅價
皆苦心文華厄於一第然其間數公麗藻英詞播
於海內其虛薄叨聯名級者又不可同年而語矣
咸通中京兆府解試月中桂詩喬擅場云云其年李
建州頻主試時頻爲京兆府參軍以許棠老於場
屋以爲首薦未幾巢寇爲亂遂與伍喬之徒隱九
華

鄭谷題張喬延興門外所居曰平生苦節同旦夕會
原東掩卷斜陽裏看山落木中星霜人欲老江海

業全空近日文場裏因君起古風

以上唐詩紀事

楊夔金陵逢張喬詩曰殊鄉會面時辛苦兩情知有
志年空過無媒命共奇吟餘春漏急語舊酒巡遲
天爵如堪倚休驚鬢上絲

曹松有都門送進士張喬東歸詩曰舊客東歸遠長
安詩少朋去愁分磧雁行計逐鄉僧華歆無時雪
伊河漫處水知辭國門路片席認巴陵

鄭谷有久不得張喬消息寄詩曰天末去程孤沿淮
復向吳亂離何處甚安穩到家無樹盡雲垂野檣

稀月滿湖傷心遠村路應少舊耕夫

李洞字才江京兆人昭宗時不策遊蜀卒懷張喬張
霞曰西風吹雨葉還颺憶我同袍隔海濤江塔眺
山青入佛邊城覆雪白連鷗身離世界歸天竺影
挂虛空度石橋應念無成獨流轉嬾磨銅鏡鬢毛
焦

顧雲

顧雲貴池人少與杜荀鶴殷文圭肄業九華山文名藉
甚登景福二年進士杜門著書後起修三朝實錄
同羊昭業在史館時稱直筆雖權貴不敢以私干
加虞部員外郎所著有鳳策聯華編昭亭雜筆共
五十卷池州舊志鑿按新志作大順四年進士而唐詩
紀事作咸通中登第然觀其大順中與羊昭業等
修史則非大順登第可知

顧雲字垂象池州醴賈之子也風韻詳整與杜荀鶴

景福昭宗
改大順之
年號

乾寧昭宗
改景福之
年號

殷文圭友善同肄業九華咸通中登第爲高駢淮南從事師鐸之亂退居雲川杜門著書宰相杜某奏雲與盧知猷陸希聲錢翊馮渥司空圖等分修宣懿僖三朝實錄皆一時之選也書成加虞部員外郎乾寧初卒有文號鳳策聯華編稿昭亭雜筆唐書藝文志顧氏編遺十卷茗川總裁十卷纂新文苑十卷啓事一卷賦二卷集遺具錄十卷注云顧雲字垂象池州人虞部郎中高駢淮南從事宋史藝文志顧雲集遺十卷又賦二卷啓事一卷茗

亭雜筆五卷纂新文苑十卷茗川總裁十卷又有

編稿十卷鳳策聯華三卷

國史藝文志所載有顧雲纂新文苑十卷表奏類賦二卷茗川總裁集十卷集遺具錄十卷鳳策聯華三卷

文獻通考止載鳳策聯華三卷注云陳氏曰唐虞部郎中淮南從事秋浦顧雲垂象撰多以擬古爲題蓋行卷之文也雲咸通十五年進士

太平廣記引用書目有顧雲文集

顧雲依淮南高駢羅隱譏之夏飲於海風亭雲曰青
蠅被扇扇離席隱遽曰白澤遭釘釘在門

雲在淮南李昭象以學仙詞寄之云記得初傳九轉
方碧雲峯下祝虛皇丹砂未熟心徒切白日難留
鬢欲蒼無路洞天尋穆滿有時人世羨劉郎仙人
恩重何由報焚盡星壇午夜香蓋招隱之義也

雲大順中制同羊昭業等十人修史雲至江淮遇高
逢休諫議時劉子長爲僕射其弟崇望復在中書
雲叩逢休希致先容逢休許之久矣雲臨岐請書
授之一函甚草創雲微有惑潛啓閱之凡一幅並
不言雲但曰羊昭業等儼將一尺三寸汗腳踏他
燒殘龍尾道懿宗皇帝雖薄德不任被前件人羅
織執大政者亦太悠悠雲嘆而已

雲詠柳云閑花野草總爭新眉皺絲乾獨不勻乞與
東風殘氣加莫教虛度一年春

雲爲虞部郎中高駢淮南從事駢章疏不恭皆雲之
辭也雲著述目爲鳳策聯華雲初下策鄭谷有詩
勉之云鳳策聯華是國華春來偶爲上仙槎鄉連

南渡思菰米。淚滴東風避杏花。吟聒莫鶯歸廟院。
睡消遲日寄僧家。一般情緒應相信。門靜莎深樹
影斜。以上唐詩紀事

康駢

康駢，貴池人。篤於自修，善論議。田頔守宣州，聘入幕，嘗
左右顧畫策禦寇。後薦為戶部遷中書舍人。池州舊志
駢自序劇談錄生平大畧見矣。錄中皆當世事也。上

卷二十則論議一則附記二則下卷二十二則論
議二則附記三則

乾符僖宗
登極之年

唐書藝文志，康駢劇談錄三卷，注云：字駕言，乾符進
士第。

宋史藝文志，康駢劇談錄二卷，又九筆雜編十五卷

池州志云黃老山在城南三十里康駢隱此
南枝子家黃老山麓一日從土人畢文訪得康駢墓
口占一絕苦覓荒墳杳不聞劇談讀罷又如醺千
年滅沒坏黃土何幸知君有畢文

杏村子過黃老山懷康駢因寄姜展詩曰黃山白社
遡當年今古風流此地傳曾得交游殷杜華耦耕

還著劇談編

殷文圭

湯湯文圭本殷文圭池州人居九華小字桂郎苦學
所用墨池底爲之穿舉進士中途遇一叟鬚白眉
綠拳文入口神仙狀也曰如學道冲虛爲儒當大
有名於天下唐末詞場請託公行文圭與游茶獨
步塲屋乾寧中帝幸三峯文圭携梁王表薦及策
仍列榜中尋爲裴樞宣諭判官至大梁朱全忠表
薦之既而由汴宋馳歸全忠大怒遣吏捕之不及
矣自是屢言措大率皆負心每以文圭爲證白馬

之禍蓋自此也文圭事楊行密終左千牛衛將軍
子從義自江南歸朝改姓湯名悅

殷文圭杜荀鶴楊夔康駢夏侯淑王希羽等皆爲淮
南將田頔上客文圭有美名不應朱全忠錢鏐之
辟頔置田宅迎其母以甥事之故文圭爲盡力夔
知頔不足亢楊行密著溺賦以戒頔不用果敗文
圭爲薦於全忠復擬飭非投啓於公卿畧曰於菟
獵食非求尺璧之珍鷄鷩避風不望洪鐘之樂既
登策即南歸俄爲多言者所發全忠捕之則不及

矣

或云文圭應舉嘗經大澤中驟雨震電衆駭躡獨安
詳如不聞雨定傍人見其兩耳中鬼神以泥封之
後爲內翰草司空李德誠麻潤毫久不至爲詩督
之云紫殿西頭月欲斜曾草臨淮上相麻潤筆已
曾經奏謝更將章句問張華時論少之以上唐詩紀事
宋史藝文志殷文圭冥搜集二十卷登龍集十五卷
又有從軍稿二十卷鏤冰錄二十卷筆耕詞二十

卷

國史經籍志文圭有登龍集十卷冥搜集二十卷從
軍稿二十卷

文獻通考殷文圭集一卷陳氏曰唐殷文圭撰乾寧
五年進士後仕南唐其子曰崇義歸朝更姓名即
湯悅也

文圭賀池陽太守正命云泉口聲光誇漢將築頭勳
業佐淮王

文圭啓有蟬聯名難鹿獨江羣之語

侍郎殷文圭墓在池州府城南二十五里殷村池州舊志

湯悅其先陳州西華人父殷文圭唐末有才名悅本
名崇義仕南唐爲宰相建隆初避宣祖廟諱改姓
湯馬令南唐書

鑾自弘光乙酉避亂過桃波始知殷村有文圭
墓至戊子春二月十日始侍家君游其塚上因
歷殷村訪其後裔覽其斷碑家君有游記有跋
有歌載嶧桐文集中鑾亦有感咏二詩後吳生
應遙過桃波有望殷村懷文圭湯悅詩今併錄
如左以備後人考據

嶧桐子游殷村記云桃波之西爰有殷村楊吳時左
千牛衛將軍文圭子南唐左僕射同平章事從義
所居處也地從主人故至今以名然土人亦或稱
湯而疑兩姓爲異其後裔式微不學不能以故語
人按從義相後主宋興國亡圭臣入汴避宋廟諱
改姓名爲湯悅而子孫留池者仍本姓故殷爲著
余子鑿往來道上詢知文圭墓所在遂相率登覽
之墓視今制未爲宏壯無翁仲天祿之屬其甃石
亦崩墮歌壞矣而藏內完好白楊青檉蔓草叢棘
縱橫絡繹其上固不至古墓犁爲田松柏推爲薪
也表碣龜趺都無存者就其家問之主人愴惻而
言舊爲強有力所嚙愴况失去指泥沙中斷石相
示青質脆膩片片剝蝕微有花闌及一文字可辨
蓋碑額云低徊久之余曰文圭稱貴仕矣子又歷
官至相位即不云黃腸題湊東園秘苑也其墓制
宜稍與常殊而僅僅如是豈其父子猶有秉禮守
儉之風歟抑江南小朝廷即貴臣上卿其物力氣
勢固如此焉抑文圭有知數識時變如爾時李建

勲遺言勿封樹立碑貽異日禍故他公卿冢多被
伐而殷獲全焉鑿曰自南唐迄今殆七百年矣唐
陵宋寢亦復何似即元宗以鬱鬱殂遺令葬西山
累土數尺爲墳而後主不忍竟營順陵豈非欲厚
葬之如帝王故事哉今即使珠襦猶存誰爲持麥
飯一盂上者况一杯之土安在也殷松楸不改狐
兔未穴而其後人猶耕漁食力昏嫁如禮寒食上
冢伏臘奉祀其先勿斷殷固厚幸也矣視楊李所
獲孰多因與嘆息而返又跋曰文圭在唐末有

詩名仕吳有聲或言其携梁王表薦及第尋爲判
官又薦之既乃由汴宋馳歸全忠大怒追捕之不
及愚謂此事乃無有夫全忠之非人臣也審矣使
文圭如敬翔李振輩精心事之始可得其歡豈有
可以假手取科名復背去者全忠之忮忍橫毒豈
捕一書生不得而遂已焉者如謂全忠不可共功
名柰何由其表薦得進士官職也故唐詩紀事又
稱文圭與杜荀鶴楊夔康駢等皆爲淮南將田頔
上客不應朱全忠錢鏐之辟又云登第即南歸則

表薦及第與宣諭判官之說爲垂刺亡是可知矣
詩人多輕肆取忌如皮日休避亂依吳越子孫顯
宋代誌銘譜系歷歷而史謂其爲黃巢學士誅死
誣罔顯然文圭受鱧殆亦類是惟從義爲人國相
上之不能拓土保疆次不能死社稷而與其王纍俘
相隨屬也恥孰甚焉第考其受相命在開寶元年
已奉宋朝之後而罷相爲潤州節度使即在開寶
二年蓋時事已不可爲立朝又無多日此必君臣
齟齬羣小擠之以出雖管葛材安能有所成之從

義即智不如韓熙載而心固賢於皇甫繼勳罪固
異於馮延巳諸人矣至與徐鍇等奉藝祖命撰江
南錄於李氏之亡第歸歷數而不言其過失徐湯
共事斯其人果何如哉是父子皆吾邑賢者吾不
可以不辨後既以湯悅顯或云汴卒未歸葬此故獨
有文圭墓云余以戊子春二月十日遊後一日記
又後一日跋

嶧桐子殷將軍墓歌云誰何古墓橫荒野農人語我
殷家者披榛尚見土如坊尋題未有碑堪打千年

老表已無存。幾尺新松尚盈把。薤者何人此。一坵
將軍鼎貴左千牛。早年及第紅綾餅。半生遇主紫
貂裘。珠履淮南稱上客。蟬冠西府比通侯。階前廝
養開金穴。座上賓朋啜玉羞。繁華正盛秋風早。晞
露旋歸原上草。方相芻靈塞路多。輓卽送客彌山
縞。踞擬東園人不知。冢象祈連世驚倒。北域初開
萬杵相輻涼。既下千峯抱歲時。上冢者阿誰。又是
平章僕射兒。來日縣官身負弩。祭餘粉社餒遺粢。
青天松柏能教蔽。白日牛羊詎敢窺。興衰忍復成

今古墓田粥去幾更主。牧兒雖未逐長顛。樵人漸
欲持短斧。亦有家人挂紙錢。力耕每爲差徭苦。盍
中量粟苟取魚。買酒來澆墳上土。又斷碑歌云。殷
家片石在泥滓。剝殘財剩尺有咫。洗剔推移拂拭
看。色如青銅薄如紙。脆處膚撓無寸完。蝕久文蕪
餘半字。憶昔將軍旣葬時。墓門始閉議豐碑。穹窿
定斷南山骨。瑩潤須求碧玉姿。馱曳應回萬牛首。
琢磨已役千人治。靈龜高坐盤螭走。蚪斗古篆寫
鴻辭。上言勛業多誇諛。下紀官闕無參差。王家告

身既載錄撰人姓氏亦貽垂。作者高官大手筆。鑄
者巧匠名工師。當時赫奕表神道。幾世嵯峨指路
堦。後來雲耳漸凋落。牧童畫指牛礪角。風雨先教
畫屋推。烏鳶直向丹書啄。倒傍山隈已歷年。散入
鄰牆人不覺。棄餘徒使子孫憎。寒不可衣饑不嚼。
誰家華表又干雲。蔡碣雄文四遠聞。城南好田直
自請。塚中枯骨何足云。螺書扁刻日卓午。斷碑請
看故將軍。

鑿游唐殷文圭墓下詩云。亂樹荒烟古道幽。隧前族
姓說先疇。美名曾掌絲綸大。高第相傳賦律優。茅
舍人歸將二犢。淮南官領左千牛。只餘半字何年
碣。移在殷村竹塢頭。其二云。冲虛遂少學。爲仙眉
綠鬚。華口入拳。賓客於吳看鹿逐。子孫歷宋正蟬
聯。照谿匹練爲華表。近隴犁鉏似墓田。我亦詩人
遭板蕩。剝苔墟落淚潺湲。

吳應進望殷村有懷文圭湯悅詩云。殷村自古隔谿
疇。父老留根樹有樛。寒食例沿曾上塚。如雲誰譜
左千牛。其二云。南塘宰相諱殷村。更姓從湯系此

門今日有書人不讀但憑流水到湖墩湯悅曾讀
書湖上因名相公墩

伍喬

南唐伍喬貴池人貧約自甘訪道廬山國學方夜誦
牕外忽一巨掌入中書讀易二字喬遂取易治之
探索精微深契其旨有僧夢一大星墜人曰伍喬
星也及訪得因資俸之保大十三年春試畫八卦
賦舉進士第一爲歙州通判尋召爲右功郎召令
判八卦賦於國學門外以式四方國除恥仕易姓
歸隱九華以終池州舊志

文獻通考伍喬集一卷陳氏曰本江南進士後歸朝

鑿按歸朝之說似無據

江表志曰伍喬與張洎皆韓熙載門人張爲樞密使
喬通判歙州嘗吟詩一篇戒去人曰候洎遊晏時
投之洎携門生遊北山僕者投詩曰不知何處可
消憂公退携壺可上樓云云洎爲之動容翌日召
還爲員外郎

南唐書曰伍喬廬江人也性嗜學以淮人無出已右
者遂渡江入廬山國學苦節自勵一夕見人掌自
牖隙入中有讀易二字倏爾而却喬默審其祥取

易讀之探索精微迨數年山下有僧夜夢人指大
星曰此伍喬星也僧與喬初不相知達旦入國學
訪問得喬喜甚勉之進取喬以遺乏告僧輒罄橐
予之喬出與郡計明年春試畫八卦賦霽後望鍾
山詩是歲同試數百人初中有司之選者必延之
陞堂而加慰飲焉先是宋貞觀登坐張洎續至主
司覽程文遂揖貞觀南坐而引洎西首酒數行喬
始上卷主司讀之驚嘆乃以貞觀處席北辟洎居
南登喬爲賓首覆考榜出喬果第一洎居二貞觀

第三時稱主司精於衡鑑元宗命勒喬程文於石以爲永式署宣州幕府考滿遷考功郎卒於官鑿按喬秋浦人而學於廬山者其先或系廬江耳馬令南唐書列在儒者傳內而謂之廬江猶之乎謂湯悅爲陳州人也大明一統志廬州池州人物並載伍喬則亦未之深考也

狀元伍喬墓在馬敬岡居民耕出碑驗
伍喬父母墓在柴埠渡南岡居民鉏出碑驗

江志

以上二條見廬

伍喬詩一卷類刻唐百家僅七言律二十首蓋類書鈔合者有詩上杜牧疑唐末人然唐餘錄江南垂止命喬放進士榜又集有寄史虛白詩南唐人無疑也其句如登閣共看彭蠡浪圍爐同憶杜陵秋石樓待月橫琴久漁浦驚風下釣遲瀛奎律髓取喬二首今存詩數

伍唐珪

伍唐珪貴池人喬之族也與殷文圭皆唐進士其登
第之年按志俱不可考

紀事曰唐珪唐末進士也

湯悅

湯悅，貴池人。幼穎悟，嘗夢飛星墜水盤中，悅吞之，自是文思日奇。仕南唐爲宰相，凡書檄誥詔皆出其手。後隨其主歸宋，嘗奉敕撰江南錄十卷。池州府志

明吳應元殷崇義傳曰：湯悅，本名崇義，殷文圭之子也。仕南唐，建隆初，朝廷奉宋朔，殷爲宣祖廟諱，改姓湯，因并其名改焉。生平以文學稱，與韓熙載、江文蔚、高越、馬謐、郭昭慶、徐鉉、錯等，後先著名。自淮上用兵，所撰書檄誥詔之文，傳於周，號稱典贍。鉉

錯故疾之。譏其不當。崇義與宋齊邱亦以洩機事
誣論鉉錯坐貶。先是東都廣陵時。崇義嘗撰孝先
寺碑。周世宗親征。駐驛讀碑文。歎賞崇義。不置。故
其後。畫江請平。崇義克使臣入貢。蒙周殊禮。乾德
二年。熙載請鑄鐵錢。即克鐵錢使。錢法愈益。壞商
民思亂。崇義上言不報。開寶二年。以禮部侍郎爲
門下侍郎。平章事。知制誥。未幾。罷相。別領職。越六
年。與徐鉉從後主同入宋。宋太祖勅撰江南錄十
卷。崇義自言有陳壽體。論曰。仕南唐改姓名者三

人。舒元易姓爲朱元。楊訥易姓名爲李平。合崇義
而三之。然元宗亦既避周諱。以景爲璟矣。崇相未
久。及撰江南錄。語不及李氏。過善乎。劉徽君推原
崇義之公以恕也。當其初爲平章時。張洎疏崇義
非經綸之才。不宜處鈞衡。後主顧特獎用。罷洎職。
潘佑誣詆大臣。請誅宰相崇義等數十人。後主反
教戒佑。其見信於君者固深且久矣。馬令撰南唐
書。亦以避諱。故稱湯悅。陸游書。仍稱殷崇義。予故
從其原姓名。立傳。以示吾貴池殷氏之後人。

崇義奉和聖製送鄧王牧宣城詩曰千里陵陽同峽
眼。鑿門胙土寄親賢。曙烟已別黃金殿。晚照重登
白玉筵。江上浮光宜雨後。郡中遠岫列窻前。天心
待報期年政。留與工師播管絃。按鄧王李後主二
十弟也。

朱元

孫愿唐貞元以後三代爲池陽刺史。有戟門門子朱
元迎道左獻詩曰。昔日卽君今刺史。朱元依舊守
朱門。今朝行馬諸童子。盡是當時竹馬孫。唐詩紀
事

王季文

王季文青陽人嘗舉唐進士官秘書郎後築室遂谷日浴龍潭風雨不失期受異人天皇九仙飛昇之術遂仙去池州志

季文字宗素池陽人少厭名利居九華遇異人授九仙飛化之術曰子當先決科於詞籍後策名於真列冥注使然不可移也登咸通中進士第授秘書郎尋謝病歸九華日一浴於山之龍潭寒暑不渝

唐詩
紀事

僧神穎和王季文題九華山云。衆嶽雄分野。九華鎮南朝。采筆凝空遠。崔嵬寄青霄。龍潭古仙府。靈藥今不凋。瑩爲滄海鏡。烟霞作荒標。造化心數竒。性狀精氣饒。玉樹鬱玲瓏。天籟韻蕭寥。寂寂尋乳竇。競競行石橋。通泉漱雲母。藉草紫香茗。我枉幽且深。君賞昏復朝。稀逢發清唱。片片霜凝颯。

楊夔尋九華王山人詩曰。下馬扣荆扉。相尋春半時。捫蘿盤磴險。疊石渡溪危。松夾莓苔迳。花藏薜荔籬。臥雲情自逸。名姓厭人知。

陳巖題季文書堂詩曰。要學騎蟾主簿仙。休官直上九華巔。我來細讀碑間字。風葉時時一颯然。書堂在頭陀嶺下。今無相院是也。

縣水在呈鳳嶺北。勢如建瓴。王季文詩。縣水落成千丈玉。指此鑿按九華山謠。瀑水落深千丈玉。或即縣字之訛耶。按縣水坑在滕司諫子京書堂之側。滕故址號思賢岩焉。

無相寺在九華山頭陀嶺下。唐開元初。王季文捨宅爲寺。僧靜冲建。宋治平元年。賜額此池。州志也。鑿

按季文既在開元中捨宅不當登咸通策又青陽縣志云季文臨終呼鄰僧智瑛屬捨宅建寺明柯崧王季文書堂詩云祇樹何年閣茶蘼此度花看山攢玉筍酌水聚金沙勾邑真人宅唐朝處士家雲霞護金碧瞻眺夕陽斜

張祐

張祐青陽人字承吉唐才子中之最賢俊之士及高位重名者多與之遊至蘇州令狐楚薦之天子書奏不報每以賢能膺諸侯府辟性狷介不容物於道少弗若者輒劾去至潤州慕曲阿古淡遂家焉後回南陽值杜牧守秋浦嘗與廢咏太和中卒於丹陽有張處士詩三卷顏萱經其故居弔之云憶昔爲兒逐我兄曾拋竹馬拜先生書齋已換當時主詩壁空題故友名

池州舊志

唐書藝文志張祜詩一卷注云字承吉爲處士大中
中卒

宋史藝文志張祜詩十卷

文獻通考曰張祜詩三卷陳錄作十卷

張祜元和長慶中深爲令狐楚所知楚鎮天平日自

草薦表令以新舊格詩三百篇隨表進獻辭畧曰

凡制五言合苞六義近多放誕靡有宗師前件人

又在江湖早攻篇什研幾甚苦搜相頗深流輩所

推風格罕及謹令錄新舊格詩三百首自先順門

進獻望請宣付中書祜至京師方屬元稹在內庭

上因召問祜之詞藻高下稹對曰張祜雕蟲小巧

壯夫恥不爲者或獎激之恐變陛下風教上領之

由是失意而歸祜以詩自悼曰賀知章口徒勞說

孟浩然身不更疑

太平廣記

唐白居易初爲杭州刺史令訪牡丹花獨開元寺僧

惠澄近於京師得之始置於庭欄間甚密他處未

之有也時春景方深惠澄設油幕覆其上牡丹自

此東越分而種之也會徐凝自富春來未知白先

題詩曰此花南地知難種慙愧僧閒用意栽海燕
解憐頻睥睨胡蜂未識更徘徊虛生芍藥徒勞妬
羞殺玫瑰不敢開惟有數苞紅幘在含芳只待舍
人來白尋到寺看花乃命徐同醉而歸時張祜榜
舟而至甚若踈誕然張徐二生未之習隱各希首
薦焉白曰二君論文若廉白之鬪鼠穴勝負在於
一戰焉遂試長劍倚天外賦餘霞散成綺詩試訖
解送以凝爲元祜次之張曰祜詩有地勢遙尊岳
河流側讓關多士以陳後主日月光天德山河壯
帝居此徒有前名矣又祜題金山寺詩曰樹影中
流見鐘聲兩岸聞雖綦毋潛云塏影挂青漢鐘聲
和白雲此句未爲佳也白又以祜宮詞四句之中
皆數對何足奇乎然無徐生云今古長如白練飛
一條界破青山色祜歎曰榮辱糾紛亦何常也遂
行歌而過凝亦鼓枻而歸自是二生終身偃仰不
隨鄉試矣先是李林宗杜牧與白輦下較之具言
元白詩體舛雜而爲清苦者見嗤因茲有恨白爲
河南尹李爲河南令道上相遇尹乃乘馬令則肩

輿似乘趨事之體李嘗謂白為囁嚅公聞者皆笑
樂天之名稍減矣白曰李直才林宗字也吾之獮子也
其鋒不可當後杜牧守秋浦與張祜為詩酒之交
酷吟祜宮詞亦知錢塘之歲白有非祜之論嘗不
平之乃為詩二首以高之曰誰人識得張公子千
首詩輕萬戶侯又云如何故國三千里虛唱歌辭
滿六宮張詩曰故國三千里深宮二十年一聲阿
滿子雙淚落君前此為祜得意之句也李杜已下
盛言其美者欲以苟異於白而曲成於張也故牧

又著論言近有元白者喜為淫言媒語鼓扇浮囂
吾恨方在下位未能以法治之斯亦敷佐於祜耳

太平廣記

杜牧之守秋浦與祜遊酷吟其宮詞亦知樂天有非
之之論乃為詩曰睫在眼前人不見道超身外更
何求誰人得似張公子千首詩輕萬戶侯唐詩紀事

故國三千里深宮二十年一聲阿滿子雙淚落君前
自倚能歌曲先皇掌上憐新聲何處唱腸斷李延
年二章祜所作宮詞也傳入宮禁武宗疾篤目益

才人曰吾即不諱爾何為哉指笙囊泣曰請以此就縊上憫然復曰妾嘗藝歌請對上歌一曲以泄其憤上許乃歌一聲河滿子氣亟立殞上令醫候之曰脉尚溫而腸已絕帝崩柩重不可舉或曰非候才人乎爰命具襯襯至乃舉祜為孟才人歎序曰才人以誠死上以誠命雖古之義激無以過也歌曰偶因歌態詠嬌頻傳唱宮中十二春却為一聲河滿子九泉須弔舊才人鑿按劇談錄所載與此畧同

杜牧之酬祜詩云七子論詩誰似公曹劉須在指揮中薦衡昔日知文舉乞火無人作蒯通北極樓臺長挂夢西江破浪遠吞空可憐故國三千里虛唱歌辭滿六宮

張祜有句云故國三千里深宮二十年以此得名故杜牧云可憐故國三千里虛唱宮詞滿後宮鄭為無云張生有國三千里知者惟應杜紫薇荆溪吳氏林下偶談

杜牧之贈張祜詩曰詩韻一逢君平生稱所聞粉毫

惟畫月瓊尺只裁雲。黥陣人人懾。秋霜一作歷歷
分數篇留別我。羞殺李將軍。

李羣玉寄張祜詩曰。越水吳山任興行。五湖雲月挂
高情。不遊都邑稱平子。只向江東作步兵。昔歲芳
聲到童稚。老來佳句遍公卿。如君氣力波瀾地。留
取陰何沈范名。注云。祜亦未面。頻寄聲相聞。

鎮江流寓志云。祜南陽人。僑寓丹陽。工於詩。或薦之
書奏。不下。受辟藩鎮。性狷介。輒自劾去。愛曲阿山
水幽勝。遂築室種樹居焉。一統志

南唐書云。金山寺號為勝景。張祜吟詩。有僧歸夜船
月。龍出曉堂雲之句。自後詩人閣筆。孫魴乃復吟
一詩。自號絕唱。詩曰。山載江心寺。魚龍是四鄰。天
多剩得月。地少不生塵。過槽妨僧定。驚濤濺佛身。
誰言張處士。詩後更無人。胡荈溪云。張祜詩全篇
皆佳。魴詩不及之。有疵病。詩林廣記

杜牧之登池州九華樓寄張祜曰。百感哀來不自由。
角聲孤起夕陽樓。碧山終日思無盡。芳草何年恨
即休。睫在眼前人不見。道超身外更何求。誰人得

似張公子千首詩輕萬戶侯

杜又有殘春獨來南亭因寄張祜詩南亭在齊山今
廢其詩曰暖雲如粉草如茵獨步長堤不見人一
嶺桃花紅錦豔半溪山水碧蘿新高枝百舌猶欺
鳥帶葉梨花獨送春仲尉欲知何處在苦吟林下
拂詩塵

杜牧汴水舟行答張祜絕句云千萬長河共使船聽

君詩句倍悽然春風野岸名花發一道帆檣畫御

卿洪邁萬首唐人絕句

朱冲和戲張祜詩云白在東都元已薨蘭臺鳳閣少

人登冬瓜堰下逢張祜牛屎堆邊說我能洪邁萬首唐人

絕句

驪宮小禽名阿濫堆明皇御玉笛采其聲翻為曲且

名馬遠近以笛爭效之祜有華清宮詩

康駢劇談錄曰王侍中智興武畧英奇初授徐方節

制雄才磊落有命世間生之譽幕府既開所辟皆

是儒者一旦從事於使院會飲與從容賦詩頃之

達於王公乃召護軍俱至從事乃屏去翰墨但以

杯盤迎接良久問之曰適聞判官與諸賢作詩何
得見其而罷遽令却取筆硯復以采牋數十幅散
於座衆賓相顧遲疑將俟行觴舉樂復曰本來欲
觀製作非以飲酒爲意時小吏亦以牋翰置於王
公之前從事禮爲揖王公曰前某以韻畧發迹未
嘗留心章句今日陪奉英髦不免亦陳愚懇遂乃
引紙援毫頃刻而就云平生弓劍自相隨剛被郎
官遣作詩江南花柳從君詠塞北烟塵我自知四
座覽之驚歎無已咸云忠烈詞采雖曹景宗賀若

弼無以加也曹景宗於御座探韻賦詩云去時兒

霍去病宋帝覽之稱賞無已又隋將賀若弼贈源

雄詩云交河驃騎幕合浦伏波營莫使麒麟上魚

我二時文人張祐亦預此筵監軍謂之曰覩茲盛

事豈得無言祐即席爲詩以獻云古來英雄動寰

區武德文經未有餘王氏柱天勛業外李陵章句

右軍書王公覽之笑曰褒飾之詞可謂無所愛惜

左右或言曰書生之徒務爲誦佞王公叱之曰有

人道我惡汝輩又肯否張秀才海內知名篇什豈
易得天下人間且以爲王智興樂善矣留駐數月

贈行以絹千匹其後移鎮蒲津子晏平仗節靈武
四遠多士翕然歸向風烈遺芳迄於今日

世傳韋鮑二生以妾換馬之事云韋生下第東歸同
憩水閣鮑有美妾常有良馬鮑以夢蘭小倩佐飲
飲酣停盃閱馬軒楹韋曰能以人換任選殊尤鮑
欲馬之意頗切密遣四絃更衣盛粧頃之而至乃
命勸韋酒歌曰白露濕庭砌皓月臨前軒此時去
留恨含思獨無言又歌送鮑生酒云風颭荷珠雖
暫圓多生信有短姻緣西橋今夜三更月還照離

人泣斷絃韋乃命牽紫叱撥以酬之俄有紫衣冠
二人自閣西升階而來二生恐悚闔戶窺之一人
長髯曰足下賦云斜漢左界北陸南躔白露暖空
素月流天可謂光絕對曰何不見賞風霽地表雲
斂天末洞庭始波木葉微脫今夜月如晝可以爲
賦長髯曰向聞妾換馬之事可以爲題以彼傾城
求其驥足爲韻長髯曰彼佳人兮如瓊之英此良
馬兮負駿之名將有求於驥足亦何惜於傾城香
暖深閨未厭夭桃之色風清廣陌曾憐噴玉之聲

希逸曰原夫人以矜其容馬乃稱其德既各從其所好諒何求而不克長跪而別姿容休耀其金鈿右牽而來光采頓生於玉勒文通曰步及庭砌效當軒墀望新思懼非吾偶也戀舊生疑借人乘之香散綠駿意已忘於鬢髮汗流紅領愛無異於凝脂希逸曰是知事有廢興用有取捨彼以絕代之容爲鮮矣此以軼羣之足爲貴也買笑之恩既盡有類求之據鞍之力尚存猶希進也賦訖行十餘步已失故祜有愛妾換馬之什云鑿按愛妾換馬

古題也唐詩紀事獨於張祜律詩之前叙其詳如見太平廣記三百四十九卷鬼類出纂異記

張祜詩紅樹蕭蕭閣半開玉皇曾幸北宮來至今風俗驪山下村笛猶吹阿濫堆宋賀方回曲子云待月上潮平波灩塞管孤吹新阿濫中朝故事驪山多飛鳥名阿濫堆明皇采其聲爲曲子又作鷓鴣爛堆西陽雜俎云鷓鴣爛^堆黃一變之鵝色如鶩鸞鵝轉之後乃至累變橫理細臆前漸漸微白丹鉛錄張祜苦吟妻孥喚之不應以責祜祜曰吾方口吻生

花豈恤汝輩 白氏金鎖

唐張祜客淮南幕中赴宴時舍人杜牧爲御史座有
妓人索骰子賭酒牧微吟曰骰子逡巡手裏拈無
因得見玉纖纖祜應聲曰但知報道金釵落髻髻
還露^應指尖祜未識白居易白刺史蘇州始來謁纔
相見白謂曰久欵藉甚嘗記得右欵頭詩祜愕然
曰舍人何所謂白曰鴛鴦鈿帶拋何處孔雀羅衫
付阿誰非欵頭何耶張頰微笑仰而荅之曰祜亦
嘗記得舍人目連變白曰何也曰上窮碧落下黃

泉兩處茫茫皆不見非目連變何耶遂歡宴竟日
趙公令狐絢鎮維揚祜嘗預狎讌公因熟視祜曰
改令曰上水船風太急帆下人須好立祜荅曰上
上水船船底破好看客莫倚柁 太平廣記

塵史云張祜客淮南幕中赴宴杜牧同座有所屬意
者索骰子賭酒牧微吟首句骰子逡巡裏手拈云
云祜應聲續句但須報道金釵墜云云鑿按才調
集以此詩爲李羣玉作題云戲贈姬人賦尖字韻
未知孰是

張祜嘗謁李紳自稱釣巨鰲客李盛怒因詰之曰以何爲竿曰以虹爲竿問以何爲鈎曰以月爲鈎又問以何爲餌曰以短李相爲餌紳默然厚贈之太行嶺上十尺雪崔涯裏中三尺鐵一朝若遇有心人出門便與妻兒別涯俠士詩也涯與張祜失意游俠江淮此詩往往傳於人口

進士崔涯張祜下第後多遊江淮嘗嗜酒侮謔時輩或乘興飲即自稱俠二子好尚既同相與甚洽崔因醉作俠士詩云太行嶺上三尺雪崔涯裏中三

尺鐵一朝若遇有心人出門便與妻兒別由是往往播在人口崔張真傑士也以此人多設酒饌待之得以立相推許一旦張以詩上年益使出其子授漕渠小職得堰俗號冬瓜張二子一椿兒一桂子有詩曰椿兒遠樹春園裏桂子尋花夜月中人或戲之曰賢郎不宜作等職張曰冬瓜合出祜子戲者相與大哂後歲餘薄有資力一夕有非常人袞飾甚武腰劍手囊貯一物流血於外入門謂曰此非張俠士居耶曰然張揖客甚謹旣坐客曰有

一讐人十年莫得今夜獲之喜不可已指其囊曰此其首也問張曰有酒否張命酒飲之客曰此去數里有一義士予欲報之則平生恩讎畢矣聞公義氣可假予十萬緡立欲酬之是予願矣此後赴湯蹈火爲狗爲雞無所憚張且不吝深喜其說乃扶藁燭下籌其縑素中品之物量而與之客曰快哉無所恨也乃留藁首而去期以即面及期不至五鼓絕聲東曦旣駕杳無蹤跡張慮以藁首彰露且非已爲客旣不來計將安出遣家人將欲埋之開囊出之乃豕首矣因方悟之而歎曰虛其名無其實而見欺之若是可不戒歟豪俠之氣自此而喪矣

唐崔涯吳楚狂士也與張祜齊名每題詩於倡肆無不誦之於衢路譽之則車馬繼來毀之則杯盤失措嘗嘲一妓曰雖得蘇方木猶貪玳瑁皮懷胎十箇月生下崑崙兒又布袍披襖火燒糴紙補笠篔簹麻接絃更著一雙皮屐子紇梯紇蹋出門前又嘲李端端黃昏不語不知行鼻似烟腮耳似鐺獨把

象牙梳挿鬢崑崙山。上月初生瑞瑞得詩。憂心如
病。使院飲迴。遙見二子躡屐而行。乃道傍再拜。兢
惕曰。瑞瑞祇候三郎六郎。伏望哀之。乃重贈一絕。
句以飾之。云。覓得黃騮鞞綉鞞。善和坊裏取瑞瑞。
揚州近日渾成。一朶能行白牡丹。於是豪富之
士。復臻其門。或戲之曰。李家孃子。纔出黑池。便登
雪嶺。何爲一日黑白不均。紅樓以爲倡樂。無不畏
其嘲謔也。祐涯久在維揚。天下晏清。爲詞縱逸。貴
達欽憚。呼吸風生。太平廣記

張爲作詩人主客圖序曰。若主人門下處其客者。以
法度一則也。以白居易爲廣大教化。主上入室。楊
乘入室。張祐羊士諤元稹升堂。盧仝顧况沈亞之
及門。費冠卿皇甫松殷堯藩施肩吾周元範况元
膺徐凝朱可名陳標童漢卿以孟雲卿爲高古。奧
逸。主上入室。韋應物入室。李賀杜牧李餘劉猛李
涉胡幽正升堂。李觀賈馳李宣古曹鄴劉駕孟遲
及門。陳潤韋楚老以李益爲清奇雅正。主上入室。
蘇郁入室。劉畋僧清塞盧休于鵠楊洵美張籍楊

巨源楊敬之僧無可姚合升堂方干馬戴任蕃賈
島厲元項斯薛壽及門僧良入潘誠于武陵詹雄
衛準僧志定喻島朱慶餘以孟郊爲清竒僻苦主
上入室陳陶周朴及門劉得仁李渙以鮑溶爲博
解宏拔主上入室李羣玉入室司馬退之張爲以
武元衡爲環竒美麗主上入室劉禹錫入室趙嘏長
孫佐輔曹唐升堂盧頻陳羽許渾張蕭遠及門張
陵章孝標雍陶周祚袁不約

顏萱字弘至江南進士也中書舍人蕘之弟嘗受知

於張祜故弔祜詩序曰尚憶孩稚之歲與伯氏常
承處士撫抱之仁目管輅爲神童期孔融於偉器
萱唐末與皮陸二生酬唱有詩載松陸集

或言祜清河人嘗賦淮南詩有人生只合揚州死禪
智山頭好墓田果卒於丹隱舍陽晁氏曰人以爲詩
識云鑿按清河張姓郡望也唐宰相世系表清河
張氏無祜名

宋釋圓至注周弼三體唐詩張祜集靈臺絕句曰祜
字承吉爲處士居蘇州然號國夫人一首久入杜

集

元郝天挺注唐詩鼓吹云祐南陽人祐作詒不誤爲祐也餘本多作祐矣南陽青陽縣鄉名

皮日休云祐字承吉元和中作宮體小詩辭曲豔發當時輕薄之流能其才合諫得譽老大稍窺建安風格誦樂府錄知作者本意短章大篇往往間出講諷怨譎時與六義相左右善題目佳境言不可

講諷
本作

刊置別處此爲才子之最也或薦之天子書奏不下亦受辟諸侯府性狷介不容物輒自劾去以曲

阿地古澹有南朝遺風遂築室種植而家焉性嗜石笋悉力致之從知南海間罷職事載羅浮石笋還不蓄美田利產爲身後計死未二十年而故姬遺孕凍餒不暇豈其怨刺於神明耶天果不愛才汝而猶譴耶又進士顏萱過祐丹陽遺居見其愛姬崔氏貧居荆棘下有一子杞兒求食汝墳矣憫然作詩弔之萱詩曰憶昔爲兒逐我兄曾拋竹馬拜先生書齋已換當時主詩壁空題故友名豈是爭權留怨敵可憐當路盡公卿柴扉草屋無人問

猶向荒田責地征日休詩云滕華通子共悲辛荒
逕今為舊宅鄰一代交遊非不貴五湖風月合教
貧魂應絕地為才鬼名與遺編在史臣聞道平生
偏愛石至今猶泣洞庭人陸龜蒙云先生清骨葬
煙霞業破孤存孰為嗟幾篋詩篇分貴位一林石
笋散豪家兒過舊宅啼楓影姬遠荒田泣稗花惟
我共君堪便戒莫教文譽作生涯杞兒後名望度
嘉興監襄洪慶
堰冬瓜官張為作主客圖以白樂天為廣大教化主而
以祐為入室取其句云萬國見清道一身成白頭

上命紙相公句此地榮辱盛豈宜山中人秋晚葛溪漫漶

張家劍却是猿聲斷客腸葛溪書空疑未決卓地

計初成柱杖春申還有三千客寂寞無人報李園

鑿按唐詩英華皮序及詩皆作陸陸詩作皮

周必大遊齊山錄曰訪左史洞為馬軍寨所限幽寺
行里許乃至焉實寺之後山也其深數丈可達於
外左史謂李方玄景業也杜牧之代景業來守故
為立名而張祐書之鑿觀左史洞三字尚在書法
適勁苔蘚未侵然已為後人所重立生斯地者莫

知其爲承吉筆也

碑目云齊山有待巖記唐會昌四年刻李方立撰李琮書左史洞題名即李允也會昌五年張祜書

齊山焦筆巖三字周必大以爲宋張環書王哲以爲張祜書未知孰是俟考之

乾道志云唐張祜有池州修城記鑿按此記今不傳張祜宅在丹陽縣三里祜嘗寓此顏萱有詩一統志

張祜宅未詳所在或云今雲陽橋東河岸有井處是

張祜墓在丹陽縣東北二十里

二條俱鎮江府志

孟遲

孟遲青陽人進士及第杜牧守池遲以文謁杜亟稱賞

送入京登第調習城尉敬所爲河陽節度使奏爲

軍巡判官開成二年裴度召至京師疾卒舊志云

遲字須中唐詩品彙云字升之唐詩類抄云字遲之

孟遲會昌五年易重榜進士及第池州舊志

唐書藝文志孟遲詩一卷注云字遲之會昌進士第
文獻通考孟遲詩一卷鼂氏曰唐孟達字叔之會昌

五年陳商下及第。鑿按遠固遲字之誤。

焦竑國史經籍志孟遲詩一卷

紀事云遲與杜牧之友善牧之嘗有池州送遲詩其
間云烟濕樹姿嬌雨餘山態活仲秋往歷陽同上
牛磯歇大江吞天去一練橫坤抹歷陽裴太守襟
韻苦超越鞞鼓畫麒麟看君擊狂節離東颺應勞
恨粉啼還咽九衢林馬過千門識車轍奏臺破心
膽點陣驚毛髮子既屈一鳴余固宜三則又曰丹
鵲東飛來喃喃送君札呼兒旋供衫走馬空踏襪

手把一枝物桂花香帶雪喜氣至無言笑餘翻不

悅鑿按杜紫微池州送孟遲先輩全詩曰昔子來

陵陽時當苦炎熱我雖在金臺頭角長垂折奉披

塵意驚立語平生豁寺樓最騫軒坐送飛鳥沒一

尊中夜酒半破前峯月烟院松飄蕭風廊竹交戛

時步郭西南繚迳苔圓折好鳥响丁丁小溪光八

八籬落見娉婷機絲弄啞軋烟濕樹姿嬌雨餘山

態活仲秋往歷陽同上牛磯歇大江吞天去一練

橫坤抹千帆美滿風曉日殷鮮血歷陽裴太守襟

韻苦超越。鞞鼓畫麒麟。看君擊狂節。離裏貼應勞。
恨粉啼還咽。明年忝諫官。綠樹秦川濶。子提健筆
來。勢若夸父渴。九衢林馬過。千門織車轍。秦臺破
心膽。點陣驚毛髮。子既屈一鳴。余固宜三刖。慵憂
長者來。病怯長街喝。僧爐風雪夜。相對眠一褐。暖
灰重擁瓶。曉粥還分鉢。青雲馬生角。黃州使持節。
秦嶺望樊川。祇得回頭別。商山四皓祠。心與樗蒲
說。大澤蒹葭風。孤城狐兔窟。且復考詩書。無因見
簪笏。古訓屹如山。古風冷刮骨。周鼎列瓶罌。荆壁橫
拋擲。力盡不可取。忽忽狂歌發。三年未爲苦。兩郡
非不達。秋浦倚吳江。去檝飛青鶻。溪山好畫圖。洞
壑深閨闥。竹岡森羽林。花塢團宮纈。景物非不佳。
獨坐如韝絀。丹鵲東飛來。喃喃送君札。呼兒旋供
衫。走門空踏機。手把一枝物。桂花香帶雪。喜極至
無言。笑餘翻不悅。人生直作百歲翁。亦是萬古一
瞬中。我欲東召龍伯翁。上天揭取北斗柄。蓬萊顚
上幹海水。水盡到底看海空。月於何處去。日於何
處來。跳丸相趁走不住。堯舜禹湯文武周孔皆成

灰酌此一盃酒與君狂且歌離別豈足更關意衰
老相隨可柰何

杜又重送孟遲作曰手撚金僕姑腰間縣轆轤爬頭
風北正好去繫取可汗鉗作奴六宮雖念相如賦
其柰防邊重武夫

遲有過垓下之句云天地有時饒一擲江山無主合
平分過驪山云冷月微烟渭上愁華清宮樹不勝
秋霓裳一曲千門鎖白盡梨園子弟頭已上數篇
張爲取作主客圖

金華子云遲陳商門生爲浙西掌書記以讒罷至淮
南崔相國奏掌書記後以詩寄浙右幕中曰由來
惡舌駟難追自古無媒謗所歸

費冠卿

費冠卿字子軍，青陽人。久居京師。登元和二年進士。聞母病，革馳歸。而母已卒，廬墓終喪，哭不輟聲。遂隱九華殿院。李行修舉其孝節，拜右拾遺，歎曰：「干祿養親耳，得祿而親歿，何以祿爲？竟不應。」池州舊志

費冠卿元和二年及第，以祿不及親，永懷罔極之念。遂隱於池陽九華山長慶中殿中侍御史李行修舉冠卿孝節，徵拜右拾遺。制曰：「前進士費冠卿嘗與計偕，以文中第，祿不及於榮養，恨每積於永懷。」

遂乃屏身印園絕跡仕進守其至性十有五年峻
節無雙清飈自遠夫旌孝行舉逸人所以厚風俗
而敦名教也宜陳高獎以儆薄夫擢參近侍之榮
載行移忠之効可右拾遺冠卿竟不應徵命太平廣記
冠卿久居京師感懷詩云焚獨不爲苦求名始辛酸
上國無交親請謁多少難九月風到面羞汗成冰
片求名侯公道名與公道遠力盡得一名他喜我
且輕家書十年絕歸去知誰榮馬嘶渭橋柳特地
起愁聲登元和二年第母卒既葬而歸歎曰干祿

養親耳得祿而親喪何以祿爲遂隱池州九華山
長慶中殿院李行修舉其孝節拜右拾遺冠卿竟
不應命杜荀鶴有詩弔其墓曰凡弔先生者多傷
荆棘間不知三尺墓高却九華山天地有何外子
孫無亦閒當時若徵起未必得身還冠卿以拾遺
召不起賦詩曰君親同是先王道何如骨肉一處
老也知臣子合佐時自古榮華誰可保

蕭建與費冠卿同時建寄冠卿云見說九華峰上寺
日宮猶在下方開其中幽境客難到請爲詩中圖

畫來冠卿答詩云自地上青峰懸崖一萬重云云
踐危頻側足登塹半齊胸飛狄嘯攀桂遊人喘倚
松入林寒痺痺近瀑雨濛濛徑滑石稜上寺開山
掌中幡花撲淨地臺殿印晴空勝境層層別高僧
院院逢泉魚候洗鉢老猊戲撞鐘外戶憑雲掩中
厨課水春搜泥時和麵拾橡半添種渡壑綠槎險
持燈入洞窮夾天開壁峭透石蹙波雄澗藹清無
士潭深碧有龍畚田一片淨谷樹萬株濃野客登
臨慣山房幽寂同寒爐樹根火夏牖竹稍風邊鄙

籌賢相黠黎託聖躬君能棄名利歲晏一相從
顧非熊寄費冠卿云先生九華隱鳥道隔塵埃石室

和雲住山田引燒開久閑仙客降高卧詔書來一
入深林去人間更不回

姚合嘗寄冠卿詩云逍遙繒繳外高鳥與潛魚闕下
無朝籍林間有詔書夜眠幽洞石曉飯白雲蔬四
海人空老九華君獨居此心誰復識日與世相踈
李羣玉經費拾遺故居云雲卧竟不起少微空隕光
惟應孔北海爲立鄭公卿舊館苔蘚合幽齋松菊

荒空餘書帶草日日上階長

宋江景春題費拾遺書堂曰投閒深感聖君恩放浪
華山酒滿樽高下數峯撐日月江南一柱壯乾坤
雁拖秋色迷魚浦鴉背斜陽過洞門偶聽山中風
水響恐疑仙樂和朝垣

羅隱題九華山費徵君所居曰草堂何處試徘徊見
說遺踪向此開蟾樹自啼三徑後鶴書曾降九天
來白雲事跡依前在青瑣光陰不迴盡夕爲君
思曩日豎泉鳴咽路莓苔

羅鄴題費拾遺書堂云滿袖歸來天桂香紫泥封降
舊書堂自憐帝帶同巢許不駕蒲輪佐禹湯怪石
盡涵千古秀奇花多吐四時芳何人更肯追高躅
惟有樵童戲薜蘿

胡駢經費拾遺舊隱詩云林下茅齋已半傾九華幽
逕少人行不將冠劍爲榮事只向烟蘿寄此生松
竹漸荒池上色琴書徒立世間名白楊風起秋山
莫時復哀猿啼一聲駢唐末進士也

以上唐詩紀事

楊巨源有題五老峯下費君書院詩云解向花間栽

碧松門前不負老人峯。已將心事隨身隱。認得溪雲第幾重。

陸暢成都送別費冠卿詩云。紅椒花落桂花開。萬里同游俱未回。莫厭客中頻送客。思鄉獨上望鄉臺。鑿讀此詩始知子軍嘗遊蜀也。

熊孺登戲贈費冠卿詩云。但恐紅塵虛白首。寧論遺逸分先後。莫占鶯花笑寂寥。長安春色年年有。以上見唐

人萬首絕句

劉昭禹經費拾遺舊隱云。節高終不起。死戀九華山。

聖主情何切。孤雲性本閒。名傳中國外。墳在亂松間。依約曾棲處。斜陽鳥自還。

姚合哭費拾遺徵君詩云。服儒遵佛旨。糲食卧中林。誰識先生事。無身是本心。空山流水遠。故國白雲深。日夕誰來哭。惟應猿鳥吟。

張贛有費徵君舊居詩云。浮世拋身外。棲蹤入九華。遺篇補樂府。舊籍隸仙家。池靜龜昇樹。庭荒鶴隱花。古來天子命。還少到烟霞。

僧冷然宿化城寺莊與費冠卿為友有詩一章。

陳養浩和費拾遺書堂詩云。華山棲迹遠君恩。只把
巖泉當酒樽。洞裏獨輸清世界。山中自有別乾坤。
半簾梅月臨書案。五粒松雲鎖院門。溜滴碧潭深
夜響。夢疑清漏待朝垣。

齊已經費徵君舊居云。高眠當聖代。雲鳥未爲孤。天
子徵不起。閑人親得無。猿猴狂欲墜。水石怪難圖。
寂寞荒齋外。杉松相倚枯。

費冠卿池州人也。進士擢第。將歸故鄉。別相國鄭公
餘慶。公素與秋浦劉令友善。喜費之行。託以寓書

焉。手札盈幅。緘以授費。戒之曰。劉令久在名場。所
以不登甲乙之選者。以其褊率。不拘於時。捨科甲
而就卑官。可善遇之也。費因請公略批行止書末。
貴其因所慰薦。稍垂青目。然之。發函批數行。復緘
如初。費至秋浦。先投刺於劉。劉閱刺。委諸案上。略
不顧盼。費竦立俟命。久而無報。疑其不可也。即以
相國書投閣者。劉發緘覽畢。慢罵曰。鄭某老漢。用
此書何爲。劈而棄之。費愈懼。排闥而入。趨拜於前。
劉忽閔然顧之。揖坐與語。日暮矣。劉促令排店費。

曰日已昏黑或得逆旅之舍亦不及矣乞於廳廡
之下席地一宵明日徐詣店所卽自解囊裝舒種
席於地劉卽拂衣而入良久出曰此非待賓之所
有閣子中旣而閉門鎖繫甚嚴費莫知所以據榻
而息是夕月明於門竅中窺其外悄然無聲見劉
令自執篲畚掃除堂之內外庭廡陞壁靡不周悉
費異其事危坐屏息不寐而伺焉將及一更忽有
異香之氣郁烈殊常非人世所有良久劉執版恭
立於庭似有所候香氣彌甚卽見雲冠紫衣仙人
長八九尺數十人擁從而至劉再拜稽首此仙人
直詣堂中劉立侍其側俄有筵席羅列餽饌奇果
香聞閣下費聞之已覺氣清神爽須臾奏樂飲酒
命劉令布席於地亦侍飲焉樂之音調亦非人間
之曲仙人忽問劉曰得鄭某信否對曰得信甚安
項之又問得鄭某書否對曰費冠卿先輩自長安
來得書笑曰費冠卿且喜及第也今在此耶對曰
在仙人曰吾未合與之相見且與一杯酒但向道
早修行卽得相見矣卽命劉酌酒一杯送閣子中

費窺見劉自呷酒半盃，卽以階上盆中水投盃中。疑而未飲，仙人忽下階，與徒從乘雲而去。劉拜辭，嗚咽。仙人戒曰：爾見鄭某，但令修行，卽當相見也。既去，劉卽詣閣中，見酒猶在，驚曰：此酒萬劫不可一遇，何不飲也？引而飲之，費力爭得一兩呷。劉卽與寇卿爲修道之友，卜居九華山。以左拾遺徵，竟不起。鄭相國尋亦去世。劉費頗秘其事，不知所降，是何真仙也。太平廣記

宋史藝文志費寇卿詩一卷

少微峯，以費子軍而名也。費拾遺書堂在少微峯下。

宋滕子京劉世疎先後卽其遺址，築室隱焉。故世

疎書堂亦卽在此。其地遂名錙冲，崇禎末九華諸

生吳鐘又卽其遺址，作雲波書院祠費劉兩公之

主於其中。

錫按滕子京書院遺址今在蛇冲絲懸嶺上，與劉冲隔一山壠。

陳巖天香嶺詩云：日邊有詔起徵君，遙望長安隔萬

雲。

俗本刻一炷。清香天在上，徵君只欲斷知聞。

天香嶺在劉冲世傳拾遺卜居山中，屢詔不起。使者於天香嶺焚詔而去。九華舊志曰：嶺在少微峰北。

費拾遺詔起不就使臣懼其逸也於嶺焚香諭旨
云劉光衍訪吳鍾詩有曰拾遺遺址隸何方指點
前峰事頗詳爲問詔灰仍在否天高嶺際暗生香
費拾遺曝書石在劉冲崇禎十七年吳鍾構亭其上
卧雲菴在九華野螺峰下費徵君舊隱青陽志

古仙洞在古仙峰下深數里許內有石牀或溪或田
入必以火費冠卿嘗有持燈入洞深之句九華舊志

白蟾穴在宴坐巖下相傳金地藏學徒頗衆取穴土
爲糧食之甘滑如麵今此穴猶存費冠卿詩云糝

泥時和麵指此九華舊志

拾遺費冠卿墓在青陽縣早麓山亦名雞母山

周必大遊九華錄曰至青陽縣令成文林雩丞熊從

政實褒王簿陳朝立巡簡程大夫同來迓館於驛

中尉廨即宋齊邱宅其旁對九華必大自注云

池陽記云尉廨即唐費冠卿舊居然則齊邱疑復居

此耳

中峯在東藏源之東衆峯環峙而此獨中踞費冠卿
詩云中峯高拄次寥天上九華志有茅菴與石泉

枕流石在少微峯下溪中費冠卿詩云不爲幽斥隱
古色涵空出九華志

碧玉泉在少微峯北石厓上澄碧如玉世傳費拾遺
烹茶於此池州舊志

李昭象

李昭象字化文池州刺史方玄之子父卒因家焉懿
宗末年以文干相國路公巖問其年曰十有七矣
巖年尚少尤器重之薦於朝將召試會巖貶遂還
秋浦移居九華與張喬顧雲輩爲方外友龍紀中
楊升密奔宣州以書招之不從唐詩紀事

流觴瀨在百丈潭上有石渠天井李化文避黃巢亂
隱九華此其流觴處也九華舊志

嘉魚池在龍游澗下中有石臺竇子明李化文所釣

處也。魚長不滿寸，鱗具五色。九華舊志

處士李象昭墓在青陽縣南同山仙人峯下。池州舊志

象昭同時有鄭參軍者，隱居九華，昭象將赴舉出山

留詩寄之。

李昭象書堂在碧雲峯下，僧希坦詩云：廢興生死安

安名。山水何曾改，舊清孰謂堂。空人已往，溪聲還

作讀書聲。九華新志

杜荀鶴

杜荀鶴字彥之，石埭人。甫七歲，資穎豪邁，志存經史。

比長，擇居香林之勝，與顧雲諸賢為友。景福二年

進士及第，官至翰林學士，知制誥。詩律自成一家，世

號晚唐格。所著有綠窻瑣翠若干卷，或曰杜牧之

守秋浦，妾程氏有孕，妻逐之，適長林杜筠，遺腹生

荀鶴。牧之示阿宣詩云：一子嗷嗷跨相門，宣子須記

若而人。長林管領閒，風月曾有佳兒屬。杜筠。池州舊志

荀鶴有詩名，號九華山人。大順初擢第，授翰林學士。

主客員外郎知制誥序其文爲唐風集或曰荀鶴
牧之微子也牧之會昌末自齊安移守秋浦時年
四十四所謂使君四十四兩佩左銅魚者也時妾
有姓出嫁長林鄉正杜筠而生子即荀鶴也擢第
年四十六矣全唐詩話

周必大曰池陽集載杜牧之守郡時有妾懷妊而出
之以嫁州人杜筠後生子即荀鶴也此事人罕知
予過池嘗有詩云千古風流杜牧之詩材猶及杜
筠兒向來稍喜唐風集今悟樊川是父師荀鶴詩

集名唐風癸辛雜識

荀鶴字彥之會昌末牧之自齊安移守秋浦妾有娠
妻逐之嫁石埭縣長林鄉杜筠生荀鶴年七歲家
人令相東作荀鶴怒吾豈耕夫也比長擇居得香
林之勝與顧雲輩爲友大順初擢學士主客員外
郎知制誥自號九華山人昔荀鶴生有獻詩者曰
金榜曉縣生世曰玉書潛記上昇時九華山色高
千尺未必高於第八枝荀鶴擢第果第八名青陽縣志
鑿按洪邁萬首唐人絕句此詩爲王希羽贈杜荀

鶴作注云第八人及第放榜日是生日今並存之
寧國名宦志云杜荀鶴以田頌守宣城延至幕下少
有才藻嘗賦詩有風煖鳥聲碎日高花影重之句
時人稱之一統志

荀鶴擢第時危勢晏復還舊山田頌在宣州甚重之
頌起兵陰令以牋問至梁太祖許頌厚遇及頌遇
禍梁主表授翰林學士主客員外郎知制誥恃勢
侮易搢紳衆怒欲殺之而未及天祐初卒唐詩紀
張曙崔昭緯中和初同舉相與詣者問命曙時自負

才名籍甚以爲將來狀元崔亦分居其下日者殊
不顧曙第目崔曰將來萬全高第曙有愠色日者
曰即君亦及第然須待崔拜相當此時過堂既而
曙果不終塲昭緯首冠曙以篇什刺之云千里江
山陪驥尾五更風水失龍鱗昨夜浣花溪上雨綠
楊芳草爲何人後七年昭緯爲相曙首登第果於
昭緯下過堂杜荀鶴同年生也酬曙詩云天上書
名天下傳引來齊到玉皇前大仙錄後頭無雪至
藥成來竈絕烟全唐詩話

荀鶴初謁梁王朱全忠雨作而天無行雲梁曰此謂
天泣知何祥先作無雲詩乃賦曰同是乾坤事不
同雨絲飛灑日輪中若教陰翳皆相似爭表梁王
造化工梁悅之

荀鶴嘗吟一聯詩云舊衣灰絮絮新酒竹籊籊或話
於韋莊莊曰我道印將鑱鑱簾用玉鈎鈎莊後西

蜀爲相

北夢瑣言

陳應行吟窻雜錄錄杜荀鶴佳句有曰舊衣灰絮絮
新酒竹籊籊贈僧詩曰安禪不必須山水戒却心

頭火自涼又詩曰只恐爲僧僧不了爲僧心了總
輸僧又獻梁太祖時世行曰桑柘廢來猶納稅田
園荒盡尚徵苗又詩曰時挑野菜和根煮旋斫生
柴帶葉燒又詩曰因供砮木無桑柘爲點鄉兵絕
子孫

宋史藝文志杜荀鶴唐風集二卷又有杜荀鶴警句
圖一卷

文獻通考唐風集十卷晁氏曰唐杜荀鶴池州人大
順二年進士善爲詞句切理宣州田頌重之嘗以

賤問至梁祖薦爲翰林學士主客員外恃勢侮易
搢紳衆怒欲殺之而未及天祐初卒有顧雲序荀
鶴自號九華山人陳録唐風集作三卷

唐人小說有松窓雜記一卷杜荀鶴撰也坊刻刪落
止存八則一記趙顏畫上婦人添孩事一記王生

醉入漢高廟事一記玄宗幸蜀萬里橋事一記黃幡

綽奏相馬事一記玄宗戎服野次與少年會酒事

一記何皇后寵衰事一記程修己吟奏李正封牡

丹詩事一記狄梁公姨盧氏事然其全帙必不多

田汝成委巷叢談多徵俗說所自有云言人聆言不

省曰耳邊風杜荀鶴詩百歲有涯頭上雪萬般無

染耳邊風

幕府燕談杜荀鶴詩鄙俚近俗惟宮詞爲唐第一云

早被嬋娟誤欲粧臨鏡慵承恩不在貌教妾若爲

容風暖鳥聲碎日高花影重故諺云杜詩三百首

惟在一聯中正謂風暖日高之句也此句歐公詩

話以爲周朴詩誤

嚴滄浪羽論詩體甚多晚唐格中別有杜荀鶴體

杜荀鶴舍前椿樹上生芝草明年及第以漆彩飾之
貯於盤中列於几上號曰科名草稗史彙編

葉夢得曰王禹玉作龐穎公神道碑其家送潤筆金

帛外參以古書名畫三十種杜荀鶴公及第時試

卷亦是一種石林漫錄

壽安寺在青陽二十三都石壁山下舊爲院一名寶

壽唐咸通五年建荀鶴有登石壁禪師水閣詩

宣和書譜曰杜荀鶴池州人官至翰林學士善作詩

辭句切理有舉鞭揮柳色隨手失蟬聲句爲時所

稱然尤工草字而無末俗之氣且書學之廢莫甚

於五代篆籀之輩不可得見矣得見兩漢之典刑

斯可矣兩漢之法又不可得見矣得見晉唐之遺

風斯可矣觀荀鶴之書雖未能跨越前古筆力適

健猶有晉唐之遺風然其書名頗播於流俗故其

字亦爲可重今御府所藏草書一雲扁帖

石埭縣回驢嶺在縣西十里相傳羅隱跨驢訪杜荀

鶴抵山嶺相值而還

牧鴨湖在縣相傳杜荀鶴幼時牧鴨之所以上池州舊志

王世貞曰昔有富家子杜四郎自號荀鴨以此杜荀
鶴者可笑也弇州說部

杜塢山以牧之常遊故名或曰杜荀鶴別業在是勝
志

太平廣記曰有不調子恒以滑稽爲事嘗與一秀才
同舟將欲登路同船客有驢瘦劣尾仍偏不調子
堅勸秀士市之秀士鄙其瘦劣勉之使秀士高價
市之既捨檝登途果尪弱不堪尤之不調曰勿悔
此不同他等其夕忽值雪不調曰得之矣請貰酒

三五盃然後爲話其故事秀士又僂俛貰而飲之
及舉爵言之曰君不聞杜荀鶴詩云就船買得鱸
偏美踏雪沽來酒倍香乎請君買鱸沽酒者蓋爲
杜詩有之非無証秀士至是方悟其爲所翫也

五襍組云一邑有兩人同官其一或舉杜荀鶴詩也
應無計避征徭之句其一難之曰此詩失矣野鷹
何嘗有征徭乎舉詩者解曰古人有言豈有失也
必是當年科取翎毛耳

按新志云荀鶴登景福二年進士第二唐詩品彙鼓

吹云大中時進士三體作大順元年狀元一云大順三年裴贛榜及第楊慎歷代狀元考定爲大順元年及第第一人當以楊慎所考爲確

周繇

周繇建德人字惟憲任河南尉職滿歸九華山僕射王徽稱其孝友可以表俗奏爲建德令嘗著明皇夢鍾馗賦有詩載各集池州舊志

周繇字爲憲池州人及咸通進士第以明皇夢鍾馗賦知名弟繁亦工爲詞調池之建德命李昭象以詩送之曰披文得仕而今少佩印還家古所榮後至御史中丞

周繇以御史中丞與殷成式韋蟾溫庭皓同遊襄陽

徐商幕府。繇有看牡丹贈段成式詩云。金蕊霞英
疊采香。初疑少女出蘭房。逡巡又是一年別。寄語
集山呼索郎。成式前有恹酒絕句贈繇曰。太白東
西飛正狂。新篔石凍雜梅香。詩中反語嘗迴避。尤
怪花前呼索郎。

繇又以人參遺成式。有詩云。人形上品傳方志。我得
真英自紫團。慚非叔子空持藥。更請伯言審細看。
式求人參詩曰。少賦令才猶強作。衆醫多失不能
呼。九莖仙草真難得。五葉靈芝許惠無。襄陽中堂
賞花。繇與妓人戲語。成式嘲之曰。鶯裏花前選孟
光。東山逋客酒初狂。青娥畢竟難防備。燒得河車
莫遣嘗。繇和云。迴簪轉黛喜猜防。粉署裁詩助酒
狂。若遇仙丹借羽化。便隨簫史亦何妨。

成式不赴光風亭夜宴。贈繇云。屏開屈膝見吳娃。絳
臘同心四炤花。姹女不愁難管領。斬新鉛裏得黃
牙。繇和云。玉樹瓊筵映采霞。澄虛樓閣似仙家。只
緣存想歸蘭室。不向春風看夜花。

廣陽公宴成式。速罷馳騁坐觀花。艷或有眼飽之嘲。

繇賦詩云蹙鞠且徒爲。寧如目送時。報讐慙吳奕。
存想恨逶遲。促坐疑辟呬。啣盃強朵頤。恣情窺窈
窕。曾恃好風姿。色授應難奪。神交願莫辭。請君看
曲譜。不負少年期。段成式和並序云。近者初開金
埒。大敞紅筵。騎歷塊而風生。鼓摻搗而雷發。成式
未曾盤馬。徒效執鞭。喜過君子之營。徒接將軍之
第。歎段辭退。因得坐觀。是時滿目鉛黃。逆鼻蘭麝。
晚薪餘論。恨織素而不憐。斜柯新知。歎因針而難
假。化符端公。妾換名馬。賦闕長門。莫逆賞心。形於
善謔。爲憲老舅。吟飄白雪。思效碧雲。六韻傳觀。不
得落地。鏗如佩玉。粲若列星。儻眼詎貴於千金。貸
心只勞於一句。輒鳴瓦缶。方應金鏡。拘輔宜哈足。
代諧笑。詩云。才甘魚目。並藝怯馬啼。聞王謝初飛。
蓋燕姜盡下山。縛雞方角逐。射雉豈開顏。亂翠移
林色。狂紅炤座殷。防梭齒雖在。乞帽鬢慙斑。儻怒
相如瘦。應容累騎還。庭筠和云。齊馬馳千駟。盧姬
逞十三。玳筵方喜睐。金勒白趨趨。隨珥情初洽。鳴
鞭戰未酣。神交花苒苒。眉語柳毵毵。却畧青鸞鏡。

翹翻翠鳳箋。專城有佳對。寧肯顧春蠶。

以上唐詩紀事

羅隱與周繇分深。謂隱曰。閣下有女。障子詩極好。乃

爲絕唱。隱不喻。何爲也。曰。若教解語。能傾國。任是

無情也。動人是隱。題花詩。隱撫掌大笑。太平廣記

周繁繇之弟。學先孝友。與兄俱以奏賦得文聲。時稱

建德二周。池州舊志

文獻通考曰。周繇集一卷。陳氏曰。唐周繇撰。咸通十

三年進士。

林寬和周繇校書先輩。省中寓直詩曰。古木重門掩。

幽深祗見谿。此中真吏隱。何必更巖棲。名姓鐫幢

記。經書逐庫題。字隨飛蠹缺。階與落星齊。伴直僧

談靜。侵霜蛩韻低。粘塵賀草沒。剝粉薛禽迷。衰蘚

牆千堵。微陽菊半畦。鼓殘鴉去北。漏在月沉西。每

憶終南雪。幾閣雲閣梯。時因搜句次。那借一招携。

金地藏

大師地藏新羅國王金氏近屬也爲人項聳骨相甚
奇長七尺有殊力嘗曰六籍寰中三清術內惟第
一義與方寸合乃落髮渡海之中華徒步遊涉得
九子山而卓錫焉擇谷中面陽之地黑壤寬平巖
棲澗汲曾遇螿端坐略不爲念有美婦人作禮奉
藥且云願出泉爲補過時坐石間已應口而渠清
云其九子之神所爲耶素欲寫四部經遂下山至
南陵有俞蕩者寫之以獻自此還山閉目石室烹

土和米而餐。逮至德初，有諸葛節等買檀公舊地居之。建中初，張公嚴守郡，仰其高風，奏置寺額。新羅傳聞，相與渡海，其徒實衆，師以無糧發石得土，齋之，無少長畚田米薪自給。中歲領一從者居南臺，躬緝麻衣，其重兼鈞，堂中榻上，惟此而已。僧臘時九十，有九貞元十年夏，召衆告別，山鳴石隕，遂終。跌坐一函，經三載，開視顏狀如活，時手足屈伸如常，骨節有聲，若撼金瑣，乃共入塔禮之。元和癸巳，拾遺費冠卿紀其事。上石池州青陽九華諸志所錄，皆弗深考。時代失真，若浮屠之說，則又不可知矣。傳詩二篇，其送朱之句，僅見九華志中。

金地藏名喬覺，新羅國王子也。唐至德間，落髮航海

來居九華

九華新志

天臺在龍女泉南，地藏禪息之所。

化城池在化城寺前，形如偃月池。中嘗開蓮結實，初亦無種，相傳金地藏居時有之。陳養浩題有詩云：惟愛華山景獨佳，白雲深處住僧家。化城池植青蓮藕，勝槩地抽紫茗芽。小澗蒲生多插劍，平田稻

熟穰花好山深荷吾皇澤直上中峯問黠華

金光洞在香林峯下洞有穴可望而不可入入則神光金色充塞洞口或謂地藏嘗居洞中

神光嶺在地藏塔前平田岡之下有圓山隱伏相傳金地藏現光於此

羅漢峯在五老峯西狀若跌僧俗云有沙門嘗與金地藏說法於此

挈瓶僧初住五老峯西南羅漢峯下嘗挈瓶持錫詣金地藏談說地藏化後二十餘年樵者見之顏如

昔去跡無常未知所終吳光錫九華山志

地藏塔凡三成時發異景五色燭天名神光嶺巖以殿

宴坐巖在化城寺東地藏始卓錫焉王守仁書有偈龍女泉在塔後地初結茅居渴有女告以泉所發石果得之女忽不見

花塘在龍池西化城寺盛時浮屠數百衆誦偈散花多隨流水地藏嘗置水碓俗呼水碓坑

白膳穴在宴坐巖下相傳地藏學徒甚衆取穴土爲

白糧甘滑如麵

五釵松幹本挺蠹畧無枝柯圓銳而上望之如浮屠

一葉五釵膚理綜縝金地藏新羅種也今惟塔前

一本云或云地藏自西域携種來今每一株枯則

鉢囊花木本高丈餘葉細而翠澤花生葉上萼如黃葵

香聞數里或聞地藏遊南臺時適有花囊鉢中他

時不落其以此而名歟

金地茶地藏所植今其梗空筒者是大抵烟霞雲霧

中氣味香潤自與平地者異况金仙之手澤存耶

黃粒稱地藏自新羅國携其種至穎芒肥粒香軟與

凡稍迥異陳巖有紫芒金粒動秋風之句

化城寺晉隆安五年天竺杯渡創寺曰九華唐郡守

張巖奏額始名化城建中元年新羅僧地藏浮海

來居具有靈異寺始宏崇云或曰初閔氏舍地爲

寺化而成之據此城當作成今按費冠卿化成寺

記成不從城然必省文之訛俗說非也

東坡云李伯時所畫地藏軼妙而造神能於吳道玄

之外探顧陸筆意

周必大化城寺詩曰攀蘿度險捷猿猿石角鈎衣履
盡穿莫訝遠尋金地藏也曾徐步玉階前

陳巖地藏塔詩云八十四級山頭石五百年來地藏
墳風撼塔鈴天半語衆僧都向夢中聞

唐一夔地藏塔詩云渡海離鄉國辭榮就苦空結茅
雙樹底成塔萬花中

羅少微地藏塔詩云還嶺峯頭霽景清知微曾此學
長生鳥從青壁屏邊過人在白雲天際行一片晴
霞迎曉萬年松檜起秋聲箇中仙景真奇絕寶塔

玲瓏最得名

王守仁登地藏塔詩云雲端鼓角落星斗松顛袈裟
散雨花一百六峯開碧漢八十四梯踏紫霞山空
仙骨葬金柳春暖石芝抽玉芽獨揮談麈掃烟霧
一笑天地真無涯

二聖廟在無相寺前一宿菴下相傳暹羅國二相隨
地藏至此因雪深迷失地藏踪跡遂居此修真道
成居人爲立廟

閔讓和青陽人九子山其故居也貞觀間金地藏來

遊卓錫東崖讓和捨地以供之今有閔公墓在東
崖下讓和有上中下三園產茶上園氣清中下園
味厚稱曰閔茶

羅鄴題費拾遺書堂云滿袖歸來天柱香或云嶺名
天香以此

煎茶峯在香林峰北金地藏來山時行渴煮泉而飲
故名

